



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

30. Pax Charitatis.

Nutzungsbedingungen

[urn:nbn:de:hbz:466:1-55242](#)

II. Pater misericordiarum, & DEVS
totius consolationis; redde mihi letitiam sa-
lutaris tui; ut qua spondes, diligendo per-
cipiam. S. Aug. Med. c. 2.

III. Tadeat me gaudere sine Te; & de-
lectet contristari pro Te. Sit mihi Nomen
tuum refocillatio; & memoria Tuâ consola-
rio S. Aug. Med. c. 7.

PASSUS XXX.

Pax Charitatis.

TEXTUS.

*Pacem meam do vobis, pacem
meam relinquo vobis.* Joan.
c. 14. 27.

Cognitio.

PAX est concordantium in bono animo-
rum, ordinata tranquillitas. Estque
triplex, cum DEO, cum proximo, cum
seipso. Pax cum Deo consistit in perfecta
voluntatis humanæ cum Divina, conser-
fatione. Pax cum proximo, in tranquilla
hominum inter se conversatione & coha-
bitione. Pax cum seipso, in omnimoda
vitiorum & passionum subjugatione.

Actus:

Actus:

1. Voluntati Dei se subjicere ; peccata vitare , in prosperis & adversis voluntati Divinæ acquiescere.
2. In rebus bonis , idem cum aliis sapere, dicere , judicare ; & in cibo , potu, veste, aliisque , se conformare.
3. Nulli , quærelæ aut turbationis ansam dare , carnem legi Dei repugnantem subjicere ; sensus , membra , interiora & exteriora secundùm rationem disponere.
4. Cogitationes , affectiones , voluntates, secundùm virtutem moderari , seipsum considerare, alios relinquere , propriam voluntatem , spiritum libertatis & placendi desiderium evellere.
5. Zizania , quæ absque tritici damno eradicari nequeunt , usque ad tempus messis patienter tolerare : quædam bona , non præcepta , ad cavendum aliorum scandolum , ad tempus omittere.
6. Ne ab aliorum dictis, factisve pax nostra pendeat , diligenter cavere.

Dilectio.

Cùm Salvator noster pacificos pronuntiet beatos , Deique filios ; quis pacem non querat & sectetur cum omnibus ? Quis

M , pacem

pacem non amet & colat, si fructus dulcissimos consideret ac degustet? Pax est serenitas mentis, tranquillitas animi, simplicitas cordis, vinculum amoris, consortium charitatis. Hæc est, quæ similitates tollit, bella compescit, iram comprimit, superbos calcat, humiles amat, discordes sedat, inimicos concordat, cunctis est placida, nescit extolli, nescit inflari: hanc qui acceperit, teneat: qui perdiderit, repetat, qui amiserit, exquirat. S. Aug. de Verb. Domini.

Petitio.

Domine JESU, Princeps pacis, qui toties discipulis tuis pacem appræcatus es, dicens: Pax vobis; Dona nobis hanc pacem, pacem cum Deo, pacem cum proximo, pacem cum nobis ipsis. Et pax, quæ exuperat omnem sensum, custodiat corda & intelligentias nostras. Amen.

Aspirationes.

1. Pacem habete; & Deus pacis & dilectionis erit vobiscum. 2. Corinth. 13. II.
- II. O quam bonum & jucundum, habere fratres in unum; in unum cor, in unam animam; multa quidem corpora, sed non multa corda! S. Aug. in Psal. 132.
- III. Pax Domini sit semper nobiscum!

PAS-